



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-1773-5/19
Sarajevo, 08. 07. 2019. godine

Na osnovu člana 23. stav (1) tačka d) Zakona o Agenciji za bankarstvo FBiH („Službene novine FBiH“, broj 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj 3/18), člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), na osnovu preporuke Komisije za nabavke iz Zapisnika o pregledu i ocjeni ponuda, broj: 05-1773-4/19 od 05. 07. 2019. godine, u postupku javne nabavke usluga osiguranja, direktor Agencije za bankarstvo Federacija BiH donio je

ODLUKU **o izboru najpovoljnijeg ponuđača u postupku nabavke usluga**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 05-1773-4/19 od 05. 07. 2019. godine i ugovor za javnu nabavku usluga osiguranja za potrebe Agencije za bankarstvo Federacije BiH (u nastavku: Agencija) dodjeljuje se ponuđaču konzorcij – “Triglav Osiguranje“ d.d. Sarajevo i “Sarajevo Osiguranje“ d.d. Sarajevo – lider “Triglav Osiguranje” d.d. Sarajevo (u nastavku “Triglav Osiguranje” d.d. Sarajevo) za ponudenu cijenu od 24.221,10 KM, kao najbolje ocijenjenom ponuđaču u predmetnom postupku nabavke.

Član 2.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 3.

U skladu sa odredbama člana 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

O B R A Z L O Ž E N J E

Odlukom o pokretanju postupka javne nabavke usluga osiguranja, broj: 05-1773/19 od 13. 05. 2019. godine, odobreno je provođenje postupka nabavke predmetnih usluga za potrebe Agencije. Javna nabavka je provedena putem postupka konkurentskog zahtjeva za dostavu ponuda, a kao kriterij za dodjelu ugovora odabrana je ekonomski najpovoljnija ponuda.

U skladu s odlukom ugovornog organa imenovana je Komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je po predmetnom postupku evidentirano pet pravovremeno pristiglih ponuda.

Na osnovu izvršene analize i ocjene pristiglih ponuda u pogledu zadanih uslova nadmetanja, Komisija je utvrdila:

- da ponuda ponuđača "Triglav Osiguranje" d.d. Sarajevo u cijelosti ispunjava sve uslove i zahtjeve iz tenderske dokumentacije, pa je ista ocijenjena kao prihvatljiva za Agenciju;
- da se ponude ponuđača "Adriatic Osiguranje" d.d. Sarajevo, "ASA Osiguranje" d.d. Sarajevo, "Euroherc Osiguranje" d.d. Sarajevo i "Croatia Osiguranje" d.d. Mostar odbacuju na osnovu člana 68. stav (1) i (4) Zakona, iz razloga što iste u cijelosti ne ispunjavaju sve zadane uslove i zahtjeve iz tenderske dokumentacije.

U ponudi navedenih ponuđača evidentirane su slijedeće nepravilnosti:

- Ponuđač "Adriatic Osiguranje" d.d. Sarajevo nije ispunio minimalne uslove za kvalifikaciju navedene u poglavlju 3. (Uslovi za kvalifikaciju ponuđača), tačka 1.3. (Ekonomska i finansijska sposobnost – član 47. Zakona tačka a) TD, iz razloga što isti nije:
 - dostavio izvještaj o otvorenim računima privrednog subjekta koji izdaje Centralna banka BiH (03. 06. 2019. godine) stariji od datuma obavještenja za predmetnu nabavku (19. 06. 2019. godine), a što je traženo navedenom tačkom TD;
 - nije dostavio valjanu Potvrdu da "glavni račun" privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (19. 06. 2019. godine). Naime, isti je dostavio Potvrdu izdatu od strane "UniCredit Bank" d.d. s datumom izdavanja na dan 03. 06. 2019. godine, u kojoj stoji da njegov račun nije blokiran u posljednjih (12) dvanaest mjeseci od datuma izdavanja potvrde, što nije usklađeno sa zadanim uslovima iz tačke 1.3. (Ekonomska i finansijska sposobnost – član 47. Zakona) TD, u kojoj je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci (19.06.2019. godine).
 - Pored navedenog isti, nije dostavio uslove osiguranja za teže (kritične) bolesti uz potvrdu (saglasnost) nadležne Agencije za osiguranje depozita, a što je traženo u okviru Aneksa 3 – Obrazac za cijenu ponude – Odjeljak 4 TD.
 - Ovaj ponuđač, ispravke u ponudi (stranica broj 84) vršio je korektorom, na način da nisu vidljivi ispravljani podaci, što je u suprotnosti s članom 18. tačke m) Uputstva za pripremu modela tenderske dokumentacije i ponuda (ispravke u ponudi trebaju biti urađene na način da su vidljive, potvrđene potpisom ponuđača i sa datumom izvršene ispravke).
- Ponuđač "Euroherc Osiguranje" d.d. Sarajevo nije ispunio minimalne uslove za kvalifikaciju navedene u poglavlju 3. (Uslovi za kvalifikaciju ponuđača), tačka 1.3. (Ekonomska i finansijska sposobnost – član 47. Zakona tačka a) TD, iz razloga što isti nije:
 - dostavio izvještaj o otvorenim računima privrednog subjekta koji izdaje Centralna banka BiH (14. 06. 2019. godine) stariji od datuma obavještenja za predmetnu nabavku (19. 06. 2019. godine), a što je traženo navedenom tačkom TD;
 - nije dostavio valjanu Potvrdu da "glavni račun" privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (19. 06. 2019. godine). Naime, isti je dostavio Potvrdu izdatu od strane "UniCredit Bank" d.d. s datumom izdavanja na dan 28. 06. 2019. godine, u kojoj stoji da njegov račun nije blokiran u posljednjih (12) dvanaest mjeseci od datuma izdavanja potvrde, što nije usklađeno sa zadanim uslovima iz tačke 1.3. (Ekonomska i finansijska sposobnost – član 47. Zakona) TD, u kojoj je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci (19.06.2019. godine).

- Pored navedenog isti nije dostavio uslove osiguranja za teže (kritične) bolesti uz potvrdu (saglasnost) nadležne Agencije za osiguranje depozita, a što je traženo u okviru Aneksa 3 – Obrazac za cijenu ponude – Odjeljak 4 TD.
- Ponuđač “Croatia Osiguranje“ d.d. Mostar nije ispunio minimalne uslove za kvalifikaciju navedene u poglavlju 3. (Uslovi za kvalifikaciju ponuđača), tačka 1.3. (Ekonomska i finansijska sposobnost – član 47. Zakona tačka a) TD, iz razloga što isti nije:
 - dostavio valjanu Potvrdu da “glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (19. 06. 2019. godine). Isti je dostavio Potvrdu izdatu od strane “UniCredit Bank“ d.d. s datumom izdavanja na dan 24. 06. 2019. godine, u kojoj stoji da njegov račun nije blokiran u posljednjih (12) dvanaest mjeseci od datuma izdavanja potvrde, što nije usklađeno sa zadanim uslovima iz TD, u kojoj je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci (19.06.2019. godine).
- Pored navedenog, nije dostavio uslove osiguranja za teže (kritične) bolesti uz potvrdu (saglasnost) nadležne Agencije za osiguranje depozita, a što je traženo u okviru Aneksa 3 – Obrazac za cijenu ponude – Odjeljak 4 TD.
- Ponuđač “ASA Osiguranje“ d.d. Sarajevo nije dostavio uslove osiguranja za teže (kritične) bolesti uz potvrdu (saglasnost) nadležne Agencije za osiguranje depozita, a što je traženo u okviru Aneksa 3 – Obrazac za cijenu ponude – Odjeljak 4 TD.

Na osnovu navedenog, uvažavajući evidentirane nedostatke, predmetne ponude odbačene su kao neprihvatljive u skladu s odredbama člana 68. stav (1) i (4) tačka i) Zakona.

Uvažavajući sve navedeno, primjenom člana 64. stav 1. tačka a), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.